



ADMINISTRACIÓN LOCAL

MUNICIPAL

TEO

Bases convocatoria de premios á excelencia deportiva para deportistas galego-teenses de alto nivel 2025

EDICTO

A Xunta de Goberno Local, na sesión de data 15/09/2025, por unanimidade dos seus membros presentes e por delegación da alcaldía (Decreto de 27 de xuño de 2023 (Res. 783/23), acorda:

Primeiro.- Aprobar as Bases da convocatoria de premios á excelencia deportiva para **2025**, que se reflicten de seguido.

Segundo.- Proceder á súa exposición pública mediante edicto no Boletín Oficial da Provincia e no Taboleiro de Edictos do Concello.

BASES REGULADORAS DA CONVOCATORIA DE PREMIOS Á EXCELENCIA DEPORTIVA PARA DEPORTISTAS GALEGO-TEENSES DE ALTO NIVEL ANO 2025

1.- OBXECTO

As presentes bases teñen por finalidade regular o procedemento de concesión de premios á excelencia deportiva destinados a apoiar ás persoas deportistas galegas de Alto Nivel empadroadas no Concello de Teo, que participaron en competicións deportivas oficiais de categoría absoluta de ámbito mundial, europeo e/ou estatal no ano 2024, que acrediten os requisitos administrativos e deportivos que se desenvolven nas presentes bases.

2.- PERSOAS BENEFICIARIAS.

Poderán ser persoas beneficiarias desta convocatoria as persoas solicitantes que cumpran os seguintes requisitos:

- Ser maior de 16 anos e menor de 40 na data do último día de prazo de presentación de solicitudes.
- Estar empadroada no concello de Teo polo menos dende o 1 de xaneiro de 2023
- Ter en vigor o recoñecemento pola Secretaría Xeral para o Deporte, como persoa DEPORTISTA GALEGA DE ALTO NIVEL, no momento da publicación destas bases.
- Ter licenza deportiva vixente nunha especialidade deportiva competitiva de carácter individual, expedida por unha federación deportiva recoñecida pola Administración Deportiva Autonómica de Galicia e/ou polo Consello Superior de Deportes.
- Non estar cumprindo sanción disciplinaria ou administrativa en materia deportiva de carácter grave ou moi grave.

Non poderán obter a condición de persoa beneficiaria aquelas persoas solicitantes nas que concorra algunha das circunstancias previstas no artigo 10.2 da Lei 9/2007, do 13 de xuño, de subvencións de Galicia.

3.- DOTACIÓN ORZAMENTARIA

O orzamento máximo autorizado para esta convocatoria ascende a cantidade de 10.000 euros con cargo á partida 340/480.00 do orzamento de 2025.

4.- SOLICITUDES

4.1.- Forma e lugar de presentación de solicitudes.

As persoas interesadas presentarán a solicitude (**Anexo I**), preferentemente por medios electrónicos, dende o seguinte enlace:

https://sede.teo.gal/sxc/gl/procedimientosytramites/tramites/Solicitudsubvenciones_N

Opcionalmente, poderanse presentar presencialmente en calquera dos lugares e rexistros establecidos na normativa reguladora do procedemento administrativo común das administracións públicas.

Tamén poderán presentarse as solicitudes presencialmente no Rexistro do concello de Teo, cuxo horario será de 8:00 a 14:00 horas (de luns a venres).

No caso de facelo por medios telemáticos, a solicitude e os documentos que se anexan teñen que estar asinados pola mesma persoa.

A presentación das proposicións por unha vía diferente ás sinaladas será causa de rexeitamento ou exclusión.

4.2.- Documentación complementaria

As persoas interesadas deberán achegar coa solicitude a seguinte documentación:

- DNI/NIE en vigor da persoa solicitante.
- DNI/NIE en vigor da persoa representante. (Unicamente no caso de persoas solicitantes menores de idade).
- Documento acreditativo da patria potestade ou tutela (copia do libro de familia ou calquera outro documento que o acredite). (Unicamente no caso de persoas solicitantes menores de idade).
- Licenza federativa en vigor ou certificación federativa co número de licenza.
- Certificación federativa das probas mundiais, europeas ou estatais nas que participaron no ano 2024.
- Última resolución publicada no DOG onde figure o recoñecemento e vixencia, pola Secretaría Xeral para o Deporte, como persoa deportista galega de Alto Nivel (No caso de non telo presentado en convocatorias anteriores).
- Certificación ou declaración responsable de estar ao día do pagamento coa Seguridade Social. (No caso de persoas solicitantes menores de idade serán os datos dos titores legais)
- Certificación ou declaración responsable de estar ao día do pagamento de obrigas tributarias coa AEAT. (No caso de persoas solicitantes menores de idade serán os datos dos titores legais)
- Certificación ou declaración responsable de estar ao día no pagamento das débedas coa Administración pública da comunidade autónoma. (No caso de persoas solicitantes menores de idade serán os datos dos titores legais)

De conformidade co disposto no artigo 24 do RD 887/2006, de 21 de xullo, os certificados de atoparse ao corrente con Facenda e a Seguridade Social poderán substituírse por unha declaración responsable cando o importe da subvención non supere os 3.000 €. O solicitante neste punto deberá comprometerse a manter o seu cumprimento durante o período de tempo inherente a dito recoñecemento ou exercicio.

- Declaración responsable conforme a que o/a solicitante non está incurso en ningunha das causas de prohibición de percepción de subvencións ou axudas públicas mencionadas no artigo 13 da Lei 38/2003.

As persoas interesadas responsabilizaranse da veracidade dos documentos que presenten. Excepcionalmente, cando a relevancia do documento no procedemento o exixa ou existan dúbidas derivadas da calidade da copia, o concello poderá solicitar o cotexo das copias achegadas pola persoa interesada, para o que poderán requirir a exhibición do documento ou da información orixinal.

4.3.- Compatibilidade con outras axudas

Estas axudas serán compatibles con premios ou axudas económicas recibidas durante o ano 2025 procedentes de calquera outra administración, ou de entes públicos ou privados.

4.4.- Prazo de presentación de solicitudes

As solicitudes deberán presentarse no prazo de 15 días hábiles, a partir do día seguinte da publicación do anuncio das presentes bases no BOP.

4.5.- Corrección de solicitudes

Unha vez revisadas todas as solicitudes, a aquelas que conteñan erros ou deficiencias comunicaráselles e concederáselles un prazo máximo de 10 días hábiles a partir da súa comunicación para a súa corrección. De non emendar os defectos no dito prazo archivarase sen máis trámites.

5.- TIPO DE PREMIOS E CRITERIOS DE VALORACIÓN

Os premios regulados nas presentes bases concederanse en réxime de concorrencia limitada a que se cumpran os requisitos que se reflicten nestas bases. En consecuencia, non será necesaria a comparación e prelación das solicitudes presentadas, atendéndose unicamente ao cumprimento efectivo dos requisitos esixidos para obter a condición de beneficiaria e á subsistencia de crédito na data de presentación da solicitude.

Unha vez rematado o prazo de solicitudes e comprobadas as que cumpren con todos os requisitos administrativos, serán avaliadas consonte os seguintes criterios:

TIPO DE PREMIO	DIRIXIDA a persoas deportistas que participaran no 2024 en competicións oficiais dalgunha especialidade deportiva recoñecida.
TIPO I	· Campionato do Mundo. · Proba/as do Campionato do mundo desenvolvida/as fora do ámbito estatal. · Competición de ámbito mundial. · Proba/as da competición de ámbito mundial desenvolvida/as fora do ámbito estatal. · Campionatos/probas desenvolvidas fora do ámbito estatal que puntúen para o ranking mundial individual absoluto.
TIPO II	· Campionato de Europa. · Proba/as do Campionato de Europa desenvolvida/as fora do ámbito estatal. · Competición de ámbito europeo. · Proba/as da competición de ámbito europeo desenvolvida/as fora do ámbito estatal. · Campionatos/probas desenvolvidas fora do ámbito estatal que puntúen para o ranking europeo individual absoluto.
TIPO III	· Campionato de España. · Campionatos/probas que puntúen para o ranking de España individual absoluto.

6.- IMPORTE MÁXIMO DOS PREMIOS

O importe máximo a recibir en función do tipo de premio, por cada solicitante, será:

Premio Tipo I: 1.500 euros

Premio Tipo II: 1.000 euros

Premio Tipo III: 750 euros

7.- ÓRGANO COMPETENTE E PROCEDEMENTO DE CONCESIÓN

O órgano competente para a instrución do procedemento, así como para a realización de cantas actuacións estime necesarias para a determinación, coñecemento e comprobación dos datos en virtude dos que debe pronunciarse a resolución, será o Departamento de Deportes.

O órgano instrutor do procedemento será o encargado de requirir dos/as solicitantes a emenda de deficiencias nas solicitudes presentadas. Ademais elaborará un informe de cada unha das solicitudes presentadas no que se fará constar:

- Nome da persoa deportista, disciplina deportiva e contía máxima á que opta.
- Se está ou non completa a documentación do expediente.
- Se cumpre os requisitos da convocatoria, con indicación expresa dos que non cumpira, de ser o caso.

A valoración das propostas presentadas efectuaráa unha Comisión de Valoración constituída polo concelleiro delegado de Deportes, que a presidirá, a concelleira delegada de Cultura e á técnica municipal que actuará tamén como secretaria da comisión.

Suplencias. En casos de ausencia ou de enfermidade e, en xeral, cando concorra algunha causa xustificada, os membros da comisión de valoración poderán ser substituídos polos seus suplentes.

Para estes efectos, cando non poidan concorrer o/a concelleiro/a de Deportes ou o/a concelleiro/a de Cultura poderán ser substituídos/as, respectivamente, polo/a concelleiro/a de Educación e polo/a concelleiro/a de Servizos Sociais. A técnica deportiva poderá ser substituído/a por outro persoal do departamento de deportes.

Esta Comisión elevará unha proposta de concesión á Xunta de Goberno Local, previo informe da Intervención municipal. A Xunta de Goberno Local será o órgano competente para a adopción do acordo de concesión de subvencións. Este acordo esgotará a vía administrativa.

8.- PUBLICIDADE DAS AXUDAS

- As bases saíran publicadas no BOP
- A resolución dos premios notificarase individualmente e publicarase no Taboleiro de Anuncios do Concello, indicando o beneficiario, o tipo de premio, o importe e se é o caso as solicitudes denegadas e motivación.

9.- OBRIGAS

As persoas deportistas beneficiarias ao abeiro destas bases quedarán obrigadas a colaborar co Concello naquelas actividades deportivas que organice cando lle sexa requirido e farán constar na súa publicidade o patrocinio do Concello de Teo.

As persoas deportistas que reciban axuda durante o ano 2025 quedan obrigadas a comunicar ao departamento de deportes a súa presenza en competicións nacionais e internacionais e o posto conseguido, así coma facilitar material gráfico para a difusión dende os medios municipais.

10.- PAGAMENTO

Unha vez publicada e comunicada a resolución dos premios procederase ao pago ás persoas beneficiarias.

Para o pagamento do premio concedido, as persoas beneficiarias deberán ter acreditado tal e como se detalla no punto 4.2.- das bases, estar ao corrente das obrigas coa Axencia Estatal e Autonómica da Administración Tributaria e a Seguridade Social.

Non será necesario comprobalo ou acreditalo de novo sempre que os certificados presentados coa solicitude estean aínda en vigor no momento de proceder ao pagamento.

O pagamento realizarase despois da fiscalización da conta xustificativa pola Intervención municipal e posterior aprobación da mesma pola Alcaldía, quen ordenará o pago.

11.- CONTROL DA APLICACIÓN DO GASTO

O Departamento de Deportes do Concello poderá solicitar en calquera momento as explicacións e documentos que considere necesarios para o oportuno seguimento das actividades subvencionadas.

12.- RÉXIME SANCIONADOR

Sen prexuízo do disposto na normativa xeral e nas Bases de Execución do Orzamento Municipal en materia de subvencións, as persoas deportistas perceptoras destas subvencións veranse na obriga de devolver as cantidades percibidas para o suposto de que incumpran algunha das condicións das bases recollidas na presente normativa.

13.- RÉXIME XURÍDICO

Nos aspectos non especificados nestas bases, os presentes premios regularanse polo disposto na normativa xeral reguladora de subvencións, en especial, a Lei 38/2003, de 17 de novembro, xeral de subvencións e a Lei 9/2007 de 13 de xuño de subvencións de Galicia.

O que se fai público para os efectos da apertura do prazo de presentación de solicitudes de subvencións polas persoas ou entidades que correspondan, tal e como se recolle nas indicadas bases.

Teo, 7 de febreiro de 2025

O concelleiro de Deportes e Xuventude

Rogelio Gómez Fernández

ANEXO I MODELO DE SOLICITUDE

CONVOCATORIA DE PREMIOS Á EXCELENCIA DEPORTIVA

Datos da persoa deportista:

Nome e apelidos: _____ DNI: _____

Data de nacemento: _____

Enderezo: _____

Teléfono de contacto: _____

E-mail de contacto: _____

Datos do representante legal (no caso de deportistas menores de idade):

Nome e apelidos: _____ DNI: _____

Enderezo: _____

Teléfono de contacto: _____

E-mail de contacto: _____

Solicito que sexa admitida a trámite a solicitude da axuda para a seguinte modalidade:

- ☐ Premio Tipo 1
☐ Premio Tipo 2
☐ Premio Tipo 3

Documentación que se achega:

- ☐ DNI/NIE en vigor da persoa solicitante.
- ☐ DNI/NIE en vigor da persoa representante. (Unicamente no caso de persoas solicitantes menores de idade).
- ☐ Documento acreditativo da patria potestade ou tutela (copia do libro de familia ou calquera outro documento que o acredite). (Unicamente no caso de persoas solicitantes menores de idade).
- ☐ Licenza federativa en vigor ou certificación federativa co número de licenza.
- ☐ Certificación federativa das probas mundiais, europeas ou estatais nas que participaron no ano 2024.
- ☐ Última resolución publicada no DOG onde figure o recoñecemento e vixencia, pola Secretaría Xeral para o Deporte, como persoa deportista galega de Alto Nivel.
- ☐ Certificación ou declaración responsable de estar ao día do pagamento coa Seguridade Social. (No caso de persoas solicitantes menores de idade serán os datos dos titores legais)
- ☐ Certificación ou declaración responsable de estar ao día do pagamento de obrigas tributarias coa AEAT. (No caso de persoas solicitantes menores de idade serán os datos dos titores legais)
- ☐ Certificación ou declaración responsable de estar ao día no pagamento das débedas coa Administración pública da comunidade autónoma. (No caso de persoas solicitantes menores de idade serán os datos dos titores legais)

DECLARO RESPONSABLEMENTE QUE:

- Non estar incurso/a en ningunha das prohibicións que para ser beneficiario se establecen no artigo 13 da Lei Xeral de Subvencións.
- Non estar cumprindo sanción disciplinaria ou administrativa en materia deportiva de carácter grave ou moi grave.
- Que son certos todos os datos que constan na solicitude así coma na documentación que se achega.

Teo, a _____ de _____ de 2025

Asinado: O/A deportista

Asinado: O representante legal (se é o caso)

Teo, 26 de setembro de 2025

A alcaldesa

Lucía Calvo de la Uz